

TATTOO Y GIBI TA BAY GRABA UN SOMONTUNO

Den un entrevista esclusivo cu "DEN AMBIENTE" tabata tin cu e famoso cantante, compositor y alabes e timon di "Los Explosivos" Gibi Doran, e la admiti cu ta berdad cu e cu Tatoo lo bai realisa un grabacion, cual nan dos lo forma un duo. Nan ta bai graba un somontuno na papiamento, y e grabacion aki lo bai tuma lugar na Aruba. E "kick" di e somontuno aki lo bai ta basa riba un "chick" cu nan tur dos ta gusta. Segun Gibi e tipo di somontuno nan aki ta masha gusta y ta pega mesora. Remarkabel ta cu e dos cantante nan aki tin e mesun tono di voz, cual lo bai ta un cominacion perfekto.

Gibi mes lo bai ta e compositor, mientras e arreglista lo bai ta e bahista di conservatorio Uti

Gregorio.

Locual lo bai ta pa prome vez, ta cu e parti musical lo bai ser forma den un "all star band" entre "Musical Time" y "Los Explosivos".

Locual lo bai marka historia, ta cu e grabacion di e somontuno aki lo bai ta riba ambos L.P. y C.D. di tanto "Los Explosivos" y "Musical Time" pa e temporada di fin di aña.

Los Explosivos ta cuminsa graba den e prome siman di October, mientras "Musical Time" a cuminsa graba algun di nan piesanan caba. Riba e pregunta si e L.P. y C.D. aki lo bai afecta e benta?, Gibi a contesta cu e benta lo no bai ta e problema, pasobra riba e L.P. y C.D. lo bai tin diferente piesanan. Tambe Den Ambiente a puntre cua di su

piesanan nobo lo bai ta su hit?, Gibi a contesta cu e nunca ta gusta pronostica cua di su piesa lo bai ta e hit, pasobra semper tin un piesa cu lo bai ta e sorpresa. Pero si e tin un cu e tin bista riba dje cu ta "BIBA BAI LAGANAN".

Riba e pregunta con e cu Tatoo a sera bon "brother"?

Gibi a conta cu no ta tur ora bo mester sera conoci cu hende, pa e ta bo amigo. Tabata algun aña pasa cu e tabata na Aruba formando parti di "Doble R" es tempu ey, nan tabata tocando mano a mano cu "Musical Time", y den e fiesta aki e cu Tatoo a cuminsa combersa cu otro manera nan tabata conoce otro pa hopi aña caba. Ta manera na tin sanger di otro segun Gibi. Segun Gibi cu



Tatoo su estilo ta masha gusta na Corsow, y locual ta importante di dje ta cu e por domina tur ritmo cantando, ta locual cu Gibi mes ta goza di Tatoo. Segun Gibi cu Tatoo por bira hopi mas popular.

Tocante di su mes un banda Gibi a conta cu nan ta full ocupa pa e aña aki caba. Dialuna ta nan unico dia di descanso.

Majoria di nan intergranenan ta profesional cu ta depende di musica so, ta solamente cuater intergrante so ta traha part time na un empresa. Prome cu fin di

aña nan lo bai tin dos gira, dia 14 di October nan lo ta na Costa Rica pa un siman, mientras pa November nan lo ta na Sto. Domingo.

Tambe tin papia di un presantacion den "Sabado Sensacional" na Venezuela. Den final di e entrevista aki Gibi a laga sa cu e ta gusta Aruba masha hopi mes, te cu dos aña pasa e tabata tin plan pa bin biba na Aruba y forma un banda. Pero e la hanja un bon deal cu "Los Explosivos" cu a pone cambia di idea.